

Članak visokog predstavnika za BiH, Christiana Schwarz-Schillinga: "Za tango je potrebno dvoje"

Za tango je potrebno dvoje

U utorak, Upravni odbor Savjeta za implementaciju mira je produžio mandat Kancelarije visokog predstavnika do kraja juna 2008. To je učinjeno kao odgovor na moju procjenu da je napredak koji su domaće vlasti napravile za zadnjih 12 mjeseci u pogledu njihovih obaveza po Dejtonu i uslova za proces Evropskih integracija bio nedovoljan da opravda zatvaranje OHR-a ove godine.

Upravni odbor je jasno stavio na znanje da neće tolerisati nikakav pokušaj podrivanja Dejtona; ponovo je afirmisao suverenitet i teritorijalni integritet Bosne i Hercegovine; i pozvao je mene konkretno da preduzmem mjere da se pobrinem da nadležne vlasti ispune medjunarodne obaveze ove zemlje.

Od početka mog mandata, ja sam postupao prema jasnom i dosljednom planu akcije, (često suočen sa žestokim kritikama) u smislu da dopuštam političkim liderima ove zemlje da preuzmu glavnu ulogu i rješavaju probleme s kojima se sučeljava Bosna i Hercegovina na svoj način. Oni su ovu priliku upropastili.

Da bi ponovo preuzeli inicijativu, odredjeni lideri – a oni znaju koji to – moraju promijeniti svoje ponašanje. Moraju raditi konstruktivno da se ponovo inicira proces ustavnih reformi, dovrši sprovodjenje Dejtonskog sporazuma i ispune preostali uslovi za potpisivanje Sporazuma o stabilizaciji i pridruživanju.

Odluka PIC-a svjedoči o dobroj volji medjunarodne zajednice da nastavi djelovati u partnerstvu sa političkim liderima Bosne i Hercegovine. Ali, za tango je potrebno dvoje.

Christian Schwarz-Schilling je visoki predstavnik medjunarodne zajednice i specijalni predstavnik Evropske unije u Bosni i Hercegovini.